

**KA PYNHIAR
SYNJAT LATOR
BAD
KA SHONGKHA
SHONGMAN**

Da U M. M. Thaiang


la ka hok longtrai la tyngkai da u Nongthoh

KA JINGKDEW SLA

1.	Ka jingsngewnguh...	i
2.	Ka jingpynshai	i
3.	Shi kyntien na u nongthoh.	iv
4.	Ka pynhiar synjat lator	1
5.	Ka jingpynithuh i thaw..	2
6.	Ki tiar ki tar kiba dei ban pynkhreh	11
7.	Ka jingpdiang burom	14
8.	Ka jingsdang ka niam ka rukom	15
9.	Ka rukom pdiang ia ki jingai sngewbha	16
10.	Ka ñia ka jutang ki arliang mamla	17
11.	U Shynrang u khreh ka lieit iing briew..	19

August 20, 2007

Rs. 25/-



Ka jingthaw thymmai ña ka longing longsem

Ka jingthaw Jong u Blei ña u briew bad ka briew kam shym la long tang na ka bynta ban bun ki jingthaw ha sla jong kane ka pyrthei. Iane ba u briew bad ka briew kin ñoh ban synshar ña ka pyrthei bad kiei kiei baroh kat ki ba don ha ka. Hynrei, u da buh ña ka shongkha shongman. U da kyrkhu kyrdoh, u da hukum ba kin ña kha i'a roi bad i'a long ña man ha sla Jong kane ka khyndew. Ka shongkha shongman ka long namarkata ka kam kaba kyntang kumba la buh beit buh ryntieh da U Blei Irai Kynrad U' Nongpynlong ña kiei kiei baroh kiba don ha kane ka pyrthei .

Baroh ki jaitbymiew ha kane ka pyrthei, ki kheinkyntang bad kheinkor ña ka kam shongkha shongman, watlada ka don kajingïapher ha ka jingngent ha la ka jong ka jong ka niam bad ka riti ka dustur.


Lada ngin peit ña ka rukom pynhiar synjat lator bad ka jingpyndep i'a ka shongkha shongman hangne ha ri India, ka la don kajingïapher kaba ym lah shuh ban ña jer. Kaci kaba ki paralok Musulman ki leh, ka ña pher na ka jong ki paralok Hindu, ka ñapher na ka jong ki paralok Assamese, ka ñapher na ka jong ki paralok Garo, ka ñapher na ka jong ki Khasi, ka ñapher na ka jong ki Khristan. Wat tang ha inc i jylli barat jong ka ri Khasi, ka niam ka rukom pynhab' synjat lator bad ka jingpynskhem ña ka shongkha shongman ka la ñapher bak la bak na kawei ka kur sha kawei pat, na kawei ka shnong sha kawei pat, na kawei ka hima sha kawei pat. Niuma, kine baroh ki long ki jingpyndep jong u khunbynriew bad ki i'alam sha ka juh ka thong bad ka juh ka jingthmu na ka bynta ban pynlong ña ka longing longsem kaba thymmai, ba kan roi kan man ka kur ka jait bad ban ñar la u tnum u ty

Ka jinglong kyntang ha ka shongkha shongman ka pynlong ña ka longing long sem kaba dap da ka jingshongsuk shongsain bad kaba dap da ka jingkmén junom la junom. Ka

longiing kaba iapait iapra khiewja noh tang hadien shipor arpor ne kaba neh tang shiteng por. ka pyni ba ki ar ngut kim shym la lah ban pynlong kyntang ia ka shongkha shongman kumba la ia khlei ia ki juban lak markylliang kumjuh ruh ha khmat kiba ha ing ha sem.

Ha kane ka kot "Ka Pynhiar Synjat Lator bad ka Shongkha Shongman" u Bah Markus M. Thaiang, uwei na ki nongthoh kot Khasi na ki lum Jaintia jong ka Elaka Labang Nongphyllut, uba long ha ka juh ka por u dkhoh ka Khasi Authors' Society, u la pyrshang katba lah ban pynlut la ka por bad ka bor kumno ban lum ban lang ia ki riti ki dustur bad ia ka rukom pynhiar synjat lator bad ka shongkha shongman bad ban buh jingthoh ia ki thik pa thik khnang ba un lah ban wanrah ia ka ha ka dur jong ka kot khnang ba ka pyrthei kan iohi ia kajingapher ha ka riti ka dustur bad ka niam ka rukom pynhab synjat lator bad ka shongkha shongman ha ki thain Labang Nongphyllut bad ha kiwei kiwei ki bynta jong ka ri lum Jaintia. Ka jingthoh ka long kaba la bniah bha. Na kine ki jingtrei kiba ngi iohi, ngi sngewthuh ba u Bah Markus u la dei ban duh thiah duh dem, ba un durap na ka bynta ban pynlong ia kane ka kot ba kan mih pyrthei. Lehse, ym lah ban ia tai lut hangne ia kaci kaba u Bah Markus, u la pynpaw ia ka sab kaba maian kuni u nongthoh bad kum u briew uba icit ia la ka riti ka dustur. Ynda ngi la rung bad ngam jylliew sha ki bynta bapher bapher kiba la buh beit buh ryntich ha kane ka kot, ngin sa iohi haduh katno u Bah Markus u la sei ia ki symboh pyrkhath kiba kordor lyngba u khutom ksiar khulom rupa jongu.

Ngin nang kitbok kitrwiang ia u Bah Markus ba un nang lah ban pynnoh la u synniang na ka bynta ban pyniar ia ka thoh ka pule ha ka ktien Khasi bad ba un nang lah ban pynmih shuh shuh ki kot ki ban long ka jingmyntoi ia ka ri bad ka. jaitbynriew.


Phrikshon Kharshiing
General Secretary
Khasi Authors' Society

KAJINGPYNITHUH ITHAW HASHIWAKAPYNIIHARSYNJAT.

Ki kmie ki kpa na ka liang u shynrang lane na ka liang ka kynthei, haba ki ibha ña ka samla ne ña u Samla, haba ki ña kren kim ju thew ne kren beit ña kata kaba ki thmu ne ña ka jingthmu barieh jong ki khamtam na ka liang ka kynthei. Ki kmie ki kpa jong ka kynthei lane ka samla ka ñapmat ña uno uno u briew (samla), hynrei kim ju pynpaw shynna ña kata ka jingieid jong ki ne ka samla ña u ta u samla lymda u samla ne ki kmie ki kpa jong u ki pynpaw nyngkong ña kata ka jingieid bad jingsngew jong ki ña kata ka samla.

Ila ki khun kiba dang shaniah tylli ha ki kmie ki kpa ban saiñdur ña ka lawei jong ki, ki kmie ki kpa kim ju bamja khuid lane leh kyrkieh (khihsya lane lehjhan ong ki Pnar), hynrei ki da shong pyrkhat hi jai. Ka kam shongkha shongman ka dei ka kam-ñap kam-im jong ki arngut, u samla bad ka samla, kumta ha shwa ba kin pynithuh ithaw ha la ki khun, ki kmie ki kpa jong ki arliang mamla ki da kylli ki da tohkit bha ña ka akor, ka jinglong bad ka trei ka ktah jong u samla bad kum juh ña ka akor, ka jonglong bad ka trei ka ktah jong ka samla. Shuh shuh ban tip khambha ña ka jinglong jingman jong u samla shynrang ne jong ka samla kynthei, ki kmie ki kpa ki ju pyndonkam da ki 'riewtymmen kiba hok, ki bakhuid, kiba tip bad shemphang ha kane ka kam, ña kum kine ki 'riewtymmen kiba leh ña kum kine ki kam la khot "Ki Nongpynongkurim" lane ha ka ktien Khasi la khot "Ki Mensuhsyntiew".

Kine ki 'mensuhsyntiew lane ki Nongpynong kurim' la ong ba ha ka sien wan kaba ki wan nyngkong ha ñing u shynrang lane ha ñing ka kynthei kim juh kren beit-beit ña ka kam kaba ki wan. Ila ka sien wan kaba nyngkong ki ña kren ña kane ki ña kren ña katai, ki da kylli, ki da pyrthew bha ña ka trei ka ktah ña ka kha-ï ka pateng bad ña kiwei kiwei de ki kam nangta ki sa ñapur ña khana shaphang ka shongkha shongman. Ila kane ka

jingākren lada ki kmie ki kpa jong u shynrang ki ibit ibiāng iāka samla lane ki kmie ki kpa jong ka kynthei ki ibit ibiāng iā u shynrang, kine ki *mensuhsyntiew ne ki nongpynong kurim ki leit iāthuh ha ki kmie ki kpa jong u shynrang lane ha ki kmie ki kpa jong ka kynthei iā ka jingmih kaba kumba la phah, iā ki ban leit kylli leit tohkit.

I lada kane ka jingpynithuh ithaw iā ki arliang mamla ka long kām bad ka bha ka mīat ka longiing ka longsem, katno ka long ka jingkmien iā kine ki mensuhsyntiew, iā ki kmie ki kpa jong u shynrang bad iā ki kmie ki kpa jong ka kynthei; hynrei pat lada ka longiing longsem jong ki amgut ka pait ka pra, kam poi sha kano kano ka jingiasngewthuh jingmut ne mynjur, katno ka long ka jingjahburom iā kine ki mensuhsyntiew ne ki nongpynong kurim.

I hadien ba la pynithuh ithaw da kine ki *Mensuhsyntiew ne ki Nongpynong kurim, sa sdang ka jingākren iākhana hapdeng ki kmie ki kpa jong u shynrang bad ki kmie ki kpa jong ka kynthei. Ka kam shongkha shongman ka dei ka kam iāp kam im bad namar ba ka dei ka kam iāp kam im, ki kmie ki kpa kim ju bam jakhluid ne leh kyrkieh lane kumba ong ki Pnar "Lehsyndet ne lehjhan" iā kane ka kam. Ki don ka jingkylli ka jingtohkit ha ka liang u kynsi (u snem, u kysai ong ki Pnar) ka ratap ka rabiāng, kum juh ha ka liang ka bam ka dih, ka akor ka burom, ka iāid ka iēng, ka kam ka jam, ka trei ka ktah jong u samla shynrang ne ka samla kynthei. I lada shem ba ym don kano kano ka wit ka wa, ka pakhar u Klong u Skaw (pakhar ka mut kaba khanglad ha ka ktien Pnar) Ka ratap ka rabiāng, u snem u kynsi bad shem ba u long uba don akor, uba tipbriew tipblei, uba smat uba sting ha ka trei ka ktah, uba tipkur tipkha, uba tiplok tipjor kum juh iā ka kynthei, nangta ki kmie ki kpa ki sa pynud pynsngew (pynud kamut iāthuh ne pynsngew ha ka tien pnar) ha la ki khun. I lada ki khun ki iā mynjur khlem kano kano ka jingpynbor, nangta ki kmie ki kpa jong ki arliang mamla ki buh iā ka sngi ban iā kynduh bad ban iā kren khambha ba ki

khun jong ki kin ĩa poikha poiman katkum ka niam ka rukom ka riti ka dustur.

Ila ka jingĩakynduh ki kmic ki kpa jong ki arngut ki khynraw hadien ka jingkylli jingtohkit ba ym don kano kano ka wit ka wa, ka shiliang ka shiphiah, ka sang ka ma, ka arliang ka arphiah, ka khanglad khang lynti, ka shongsang ka shongma, ka smai, ka kynat, ka ĩashun ka ĩapen hapdeng kine ki arliang mamla ba ki khun jong ki kin ĩapoikha poiman ha ka hok ha ka sot bad haba la biang u snem u kynsi, ka ratap ka rabĩang, haba la ĩa bĩang ka kren ka khana ki ĩa buh sngi ban pynhiar synjat kat kum ka riti ka dustur kaba la saiĩdur kat kum ka saiĩpyrkhat jong ki longshwa manshwa.

Ka pynhiar synjat katkum ka jinghikai u longshwa manshwa ka dei shibynta bad ka ĩniam ym kaba shu-leh dep rukom. Ki kyntien jong ki Arkĩi, u Kĩi jong ka kynthei bad u Kĩi jong u shynrang bad ka juban-lak jong ki arngut ki samla kaba ki la ĩa khlei ha-khmat ki kĩi rangbah bad hakhmat ki briew kiba ĩa don lang ha kata ka sngi pynhiar synjat ki long ki ktien kiba shongsbai ha kaba kim shym la kular kai.

I hadien ka pynhiar synjat wat lada kine ki arngut ki samla kim pat ĩashong ĩasah ryngkat shirup deilang (shirup deilang kaba mut ym pat ĩathiah ym pat ĩashong) pynban naduh kata hi ka sngi ne ka khyllipmat, u shynrang u la dei u jong ka kynthei bad ka kynthei ka jong u shynrang. I hadien ka pynhiar synjat shwa ban poi ka sngi bia ne sngi kyntiew kurim lada jia ba u shynrang bad ka kynthei ki ĩatamkti tamkjat, u shynrang sha kawei pat ka kynthei lane ka kynthei sha uwei pat u shynrang kata, u ne ka kin hap ha ka kuna kaba ch bad lah ruh ban ĩakhlad syndon wat lada la dep ka jingpynhiar synjat.

Ila ka sngi pynhiar synjat kum ka dak ka jingĩeid, ka jingĩakhum ĩatch jong ki arngut ki samla, u shynrang bad ka kynthei bad ki don ka jingĩa-aisngewbha markyllĩang. Ila ki por kiba kham mynshwa, ka kynthei ka ai sngewbha ĩa u shynrang da ka Jaiĩryndĩatlem bad u shynrang ĩa ka kynthei da ka

jaiñmuka ne da u Kynjri Ksiar lane Kynjri Rupa ne da ka Satti Ksiar lane da kano kano ka jingai kaba ki sngewbit.

Kane ka jingā-ai markylliang kam dei ka baikurim ne ka dor ka mur ba siewdor ia u shynrang ne ia ka kynthci, namar ba ha ka riti ka dustur jong u Hlynñiewtrep u Hlynñiewskum, u Hlynñiewtnum u Hlynñiewtyndai ym ju don ka jingiadie iathied shynrang ne kynthci. Kane ka jingai sngewbha markylliang ka dei ka dak ka shin ka jingāburom markylliang bad ka dak ka shin ba la iakhum iateh skhem bha ka bym lah shuh ban pynlait khlem da don kano kano ka daw kaba biang.

Kum ka jaitbynriew ngim don kano kano ka jingthoh ka jingtar kaba ai pateng na ki longshwa ki manshwa ha ki longdien ki mandien bad baroh ki parom ne ki khanatang la shu iathuh da ka ktien ha ka ktien bad na u thylliej ha u thylliej. Kane ka jingīathuhkhana parom ne ai pateng da ka ktien ha ka ktien da u thylliej ha u thylliej, ha ka jingtlot ka jabieng jong u briew ban kynmaw ryngkat bad ka jingāid ka por na kawei ka pateng bynriew sha kawei pat, kane ka rukom pynhiar synjat lator ka la sdang ban synjor ha ka ñiam ka rukom ki khun ki ksiew jong u Hlynñiewtrep u Hlynñiewskum; hynrei kam pat iapduh, ka dangsah syllai sahyiaw (sahyiaw ha ka ktien Labang-Nongphyllut kaba mut ka tynrai jongka kam pat iapduh) ha kito ki ba dangbat skhem triang ia ka ñiam kaba la saiñdur da U Blei hi ha ki longshwa manshwa jong ngi.

I laba buddien bha ia kane ka riti ka dustur pynhiar synjat lator bad thoh kumba ka long khlem da pyntam ne pynduna na ka jingīathuhkhana parom jong ki longshwa manshwa, hateng hateng ka pynsywi bad pynsyuiñkhlich (pynsywi bad pynsyuiñkhlich ha ka ktien pnar kaba mut pynbaiong bad pynkingkhlich) ban thoh kumba ka long kaba iadei salonsar, naba ka don ka jingāapher ia ka rukom pyniaid kam kawei ka kur na kawei ka kur, kawei ka Ilaka na kawei pat ka Ilaka. Ka pynhiar synjat, ka bia ka khap, bad ka poikha poiman ka long ka nongrim jong ka longing longsem bad ka tynraiduh jon gka

longbriew manbriew. Ka pynhiar synjat ka long ka jingsdang jong ka longiing longsem, ha kaba ki Arkur, ka kur jong u shynrang bad ka kur jong ka kynthei lyngba ka jingiashnoh lang ki arngut kum kawci ka doh ka snam, ha kaba pyniar ia u Tnum u Tyndai da ka jingiakhha khun khanat jong ki arngut. Ila kiba dangbat skhem ia ka niam kaba ai U Blei ha ki longshwa manshwa, ka pynhiar synjat bad ka bia-kurim kim ju kham leh ha ka por step ne ha ka por sngi, hynrei barabor haba kem iongreiñ ne ha ka por janmiet bad kata ruh ha iing ka kynthei ym ha iing u shynrang.

I hadien ka pynhiar synjat haduh shwa ban poi ka sngibia ne sngi kyntiewkurim la tip ia kine ki sngi bad ka por kum ki sngi kiba kyntang tam lane kum ki sngi ne ka por Khangpathi Khangkwai (ka por khangpathi khangkwai ha ka ktien Labang Nongphyllut kaba mut ka por ha kaba u samla bad ka samla ki raikut) Kane ka por khangpathi khangkwai kan ym duna ia ka ar ne lai bnai haduh ban da poi ka sngibia ne sngi-kyntiew kurim. Ki ia buh por kumne ba kin iohlad baroh arliang kur ban leit mih sha ki kur ki jait, ki kha ki man, ki kharim, ki khathymmai, sha ki lok ki jor bad sha baroh kito kiba ki dang don jingiadei ban pyntip ba u ne ka khun jong ki kin iabia ne ia kyntiewkurim bad uta uta bad kata kata. Hateng hateng ia kane ka por khangpathi khangkwai ki ju leh ruh ha shwa ki sngi ka pynhiar synjat.

Ha ka niam u barim, shitaiew shwa ka pynhiar synjat ki arliang mamla ki pynkhreh (shetkiad) kumba saw ne san kilo khaw bad ia kane ka kiad ki pyndonkam ha kata ka sngi pynhiar synjat ban ioh iasuit iashor bad ia kane ka kiad la tip kum ka "Kiadpyrnah". Ka Kiadpyrnah ka dei ka kiad kaba la pynkyrpang na ka bynta kano kano ka kam kaba kyrpang kaba ymbit ban dih shwa ban pyndonkam ha ka suit ha ka shor jong kata ka kam. Hadien ba la dep ia ka suit ka shor, ia kane ka kiad ki iadih sngewbha tang mar shiskaw arskaw, hynrei pat ymbit hi tdot ban dih haban da buaid.

Hapoh ka thaiñ Labang Nongphyllut, kiba dangsah ha ka ñiam u Barim, ha kano kano ka kam khamtam ha ka pynhiar synjat, ka Kiadpynnah ka long kaba donkam eh. Ki pyndonkam ha ka suit ha ka shor, ka pandak pan shin na U Blei Nongbuh Nongthaw lyngba u Klong u Skaw. Da ka jingsnoh ka Umbang Umthiang ha u Klong u Skaw, ki la tip la kata ka jingthmu jong ki arngut kan poi ne em sha ka ba kut. Kawei pat ka dak ka shin ka long ba lada kane ka Kiadpynnah ka bang ka thiang, ki sngewthuh ba kata ka kam kan ñaid beit ñaid ryntih bad ka bha ka miat kumba la thmu bad angnud; hynrei pat lada ka jew ne ka blad na kata hi ki la sngewthuh ba kata ka kam, kam nehslern bad kaba tang shipor arpor kan sapait sapra ka longiing longsem ne ñaphet lok kata ka longiing longsem.

Ka pynhiar synjat bad ka poikha poiman ka long shibynta bad ka ñiam bad tang ha ka jylli jong ka pynhiar synjat bad ka poikha poiman ba ka ñiam ka ieng rasong. Lada sniewdur ka pynhiar synjat, ka shongkha shongman bad ka poikha poiman, pyut bad iwtung ka ñiam ka rukom. Ha ka riti ka dustur ka pynhiar synjat bad ka shong kha shong man, ki don ki kyndon kiba teh pyrkhing ña u briew ne ka briew ba kim bit ban ñashongkha shongman pathar katbamon naba ki don ki kyndon kaba ki “Kheifñsang bad Shongsang”

Ka ktien “Kheifñsang” bad “Shongsang” ki long ki kyntien kiba khia thew ha ka riti ka dustur jong u Hynñiewtrep u Hynñiewskum. Ka ktien “Kheifñsang” ka long ka kyntien kaba jylliew haduh katta katta bad ka thew ña ka jingleh pyrshah bad pynkhein ña kaei kaei kaba la buh-beit buh-ryntih u longshwa manshwa kaba ktah ña ka aifñ longbriew manbriew bad kaba la pynkheifñ aifñ ña kaei kaei kaba la mana bad hukum da ka kur ka jait, da ki kha ki man bad da ki lok ki jor.

Ka kyntien “Shongsang” pat ka thew ña ka shongkha shongman bad kiba dang ñateh kur ne kiba dang ña ting-kur. Ka kyntien “Laisnem Paruid” kane ka dei ka ktien Labang Nongphyllut kaba thew ña kito ki ba ña shongkha bad ki bym

ĭadei kynsi, kum kaba ĭashongkha bad ka Beikha (Meikha) Ćiakha, Pakha, Pakhyannah. Paruid, Pasan, Panah, Padeng. ĭa kiba hap hapoh kine ki kyndon aiĭ “Shongsang, Kheinsang bad Laisnem Paruid” ym tang ba kim lah ban pyndonkam ĭa ka riti ka dustur pynhiar synjat, ki briew ki kham kĭar ruh ban ĭakhlehleng bad kim juh shah ba kin ĭadei kam khamtam ha ki kam ıiam, ha ka kıia ha ka khriam, ha ka kheiĭ ha ka khai bad wat ha ka tylleiĭ ka tymmoh (Mawtpep Mawshyieng) lynda kin shah pynkhuid shwa, katkum ka Aiĭ blei Aiĭ briew.

I hadien ba la dep ka pynhiar synjat, wat lada ki arngut ki samla kim pat ĭashong ĭasah pynban ka jingĭadei jong ki arliang mamla ki la long kum kawei ka ĭing ka sem ha ka suk ha ka saiĭ, ha ka shitom ka shipa, ha ka jynjar ka lanot bad ha ka sngewsih ne sngewbha. Shisien ba ladep ka pynhiar synjat bad ka ıiam ka rukom bad hadien ba ki ar-ngut ki la pdiang ĭaka jingai sngewbha markylliang ym bit shuh ban pynphai ne ban pynlait khlem da don kano kano ka daw kaba biang. Kat kum ki kyndon aiĭ jong ka thaiĭ Labang Nongphyllut, shisien ba la dep ka pynhiar synjat, lateh pyrkhing ĭa u shynrang lane ĭa ka kynthei ban kiar na ka leitkai ka wankai, ka sahmiat ka sahiong u shynrang sha ĭing ka kynthei lane ka kynthei sha ka ĭing u shynrang tat hadien ka sngi ba la ĭabia ne pyndep ka jingkyntiew kurim. Kane ka jingpynkiar ka long ba baroh arngut ki samla kin lait na kano kano ka jingtlot briew bad ba kin lait na ka “Klim shylliah klim thlieng”. Ka kyntien ban lait na ka klim shylliah klim thlieng, ha ka ktien Labang. Nongynllut kaba mut ba kin lait na kano kano ka jingĭahap kurim ha shwa ki sngi-bia ne sngi jingkyntiew kurim.

I la ki khun ki ksiew u I Iynıiewtrep u I Iynıiewskum kiba dangsah ha ka ıiam U Barim ka ıiam kaba la saiĭdur da u Blei hi, ha ki longshwa manshwa jong ngi bad kiba dangbat skhem hi triang ĭa ka riti ka dustur, ka kam shongkha shongman ka long ka kam ka bakhuid bad kaba kyntang haduh katta katta; kumta ha shwa ba ki arngut ki samla kin shim ĭa ka jingkyntiew

kurim bad ba ka jingkyntiew kurim kan long da shisha ka bakhuid ki hap, pynkiar ialade, ioh jia kumno re kumno ha ka longbriew manbriew ioh jia ba lait ka kti ka kjat. I la ka juh ka rukom lada ki arngut ki samla ki ia lait ka kti ka kjat ha ki sngi shwa ka pynhiar synjat, kata ki la hap ha ka pap ka sang, kim longshuh ki bakhuid kiba sotti bad ki ngat ha ka pap ka sang kaba ki khot “Ka Klim Synjat Klim lator”.

Ka jinghikai kaba hiar pateng bad kat kum ka riti ka dustur jong ki riwtymmen, kaba la-buh la-thaw bad saiñdur da u Blei Nongbuh Nongthaw, kaba u la ai ha ki longshwa manshwa, kum kita ki samla ki hap ha ka Dai ka Kuna (da ka pan map bad ka kña ka khriam) ha u Blei, ka Blei, ka Synshar ka Thoolang bad ha ki syiem babuh bathaw ia ka longbriew manbriew, ki Nongbuh shynrang, ki Nongbuh kynthei. I laba jia kumta, ka kynthei ha shwa ka sngi bia lane sngi kyntiew kurim kumjuh u shynrang hala ki Kñi Rangbah (Kñi wahch ong ki Labang Nongphyllut) sor sor ha tyndong skhor jong u, ki ud ki nam ia ka jingbymlong khuid longsotti jong ki bad u Kñi Rangbah haba u iohsngew ia kane, u ud u naim, u pan map ha khmat u Blei Nongbuh Nongthaw, ka Syiem babuh bathaw ha ryngkat bad ka dud ka thong (Ka Dud ka Thong ka mut ka pan map, ka kular jingkular kña jingkña) na ka bynta jong ki, ba kin lait na kano kano ka jingwit ha kata ka sngibia ne sngi kyntiew kurim bad ha ki sngi ka jingim jong ki.

I lada jia ba u samla shynrang bad ka samla kynthei kiba la iatch ktien ki iahap kurim ha shwa ki sngi ban pyndep ia ka riti ka dustur pynhiar synjat bad shongkha shongman, kum ? kata ka jingpynhiar synjat bad jingkyntiew kurim kam long shuh kaba khuid kaba suba ha ka hok katkum ka hukum. Shuh shuh lada jia ba tang katto katne bnai ba ki samla ki la shim ia ka jingkyntiewkurim bad ki ioh khun, wow ka jingkhlemraiñ bad ka jingjahburom na ka bynta ki nongleit kurim hakhmat uba bun uba lang, ha ka shnong ha ka thaw, ha ka kur ha ka jait bad kin shah kynnoh bad shah kyntah ha khmat ka pyrthei. Ym

tang katta da ki bnai da ki snem ki briew kin kren lorni shaphang jong ki bad ha man la ba don kano kano ka jingpynhiar synjat bad ka jingkyntiew kurim ia ki khun ki briew, kin kdew kti sha kata ka jingjia. Ki samla kiba kwah ban kynjoh sha ka pynhiar synjat bad ka shongkha shongman sha ka burom ka akor kat kum ka ñiam ka rukom; ka jingkhuid, ka jingsotti ka long kaba donkam, lymda kumta ki briew kin kheiñ ba kata ka pynhiar synjat bad jingkyntiew kurim ka long kaba shu pyndep rukom, kaba pyut bad kaba pynsniew-dur ruh ia ka ñiam ka rukom, ia ka kur ka jait bad ia ka jaitbynriew hi baroh kawei.

I ladien ba la pyndep ia ka riti ka dustur pynhiar ne pynhap synjat lator haduh shwa ki sngibia ne sngi jingkyntiew kurim, ki long ki sngi kiba bunkam ia ka amgut shijur, ia ki kur ki jait, ia ki kha ia ki man, ia ki lok ia ki jor, ia ki kher ia ki mer, ia ki bakha rim bakha thymmai jong u kpa, ia ki bakharim bakha thymmai jong ka kmie bad ia ki bakha jong uta bad kata ka samla. I Ia kane ka por dei ki sngi ha kaba baroh arliang ki ia pynkhrch ia ka jingkhawai. Na ka liang jong u shynrang ki pynkhrch ia ka bam ka dih ha iing u shynrang bad na ka liang ka kynthci ruh ki pynkhrch ka bam ka dih ka iing ka kynthci. I Iaba ki samla ki la dep shim bad pyndep ia ka jingkyntiew kurim kat kum ka ñiam nangta pat baroh kiba la iawan ban shim bynta ha kata ka jingkyntiew kurim ki leit bam sha iing ka kynthci laitnoh ka kmie bad u kpa jong u shynrang. I Iaba ong sha iing ka kynthci, kam mut ba baroh baroh ki dei ban leit sha iing ka kynthci, em kito kiba kwah leit bam khawai sha iing ka kynthci ki leit, kito pat ki bym kwah ki leit sha iing u shynrang ban bam ban dih. Ka kyntien kaba la kdew haneng “laitnoh ka kmie bad u kpa jong u shynrang” kam mut ba kim leit ba don daw eici, hynrei ba ki don kata ka jingsngewbriew ba lada ki leit, ki sngew ba kumba leit aiti noh ia u khun jong ki shi-junom ban sah ha iing ki briew.

KI TIAR KI TAR KIBA DEI BAN PYNKHREH

Ia ki Labang ki Nongphyllut, ki khun ki ksiew u Ilynñiew-trep u Ilynñiew skum bad kiba dangbat skhem triang ñaka riti ka dustur kaba hiar bad ai pateng da ki longshwa man-shwa naduh ki por ba danglung ne dang kynthong ka pyrthei haduh kine ki sngi haba don kano kano ka jingñabia ñakhap ha ka ñiam uba rim, ki tiar ki tar kiba dei ban pynkhreh na ka liang ka kynthei ha shwa ka sngibia ne sngi kyntiew kurim ki long: -

1. Khyndai tylli ki Putharo (Tpu wasaiñ ong ki Pnar), khyndai tylli ki Kwai ba la songlang bad u Pathi (Tympew) uba da-jied kysai.
2. Hynñiew tylli ki Putharo, hynñiew tylli ki Kwai ba la songlang bad u pathi kiba da jied kysai.
3. San tylli ki Putharo, san tylli ki Kwai ba la song lang bad u Pathi uba ki da jied kysai napdeng kiba bha tam.

Ña kine ki tiar ki tar kiba lajjied kysai ki dasong da tap bha. Ban song ña kine ki tiar ym da kano kano ka sla, hynrei da ka sla Lamet kaba la jied kysai (jied kysai ha ka ktien Labang Nongphyllut, ka mut ban jied ña kaba bha na kiba bha tam). Haba ki song ña kine ki tiar ki siang nynkong ña ka sla Lamet halor u Maleng u Prah, ki buh ryntih bha ña ki sla Pathi halor ki sla Lamet, da kaba pynlait jaka hapdeng ban buh ña ki khyndai kwai. Ha juh ka rukom song, ki song ña ki hynñiew kñwai bad san kwai. Haba shim na ka “Namktien” kaba ar ha-shwa ba kin loit ña kine ki song, ki da ting da khot ña u Blei, ña ka Blei bad kida pan da ki dak da ki shin ba u Blei Nongbuh Nongthaw, ba un pyni da ki dak da ki shin lyngba kine ki song, khnang ba kin tip ña ka mon u Blei, la kata ka jingñapoikha poiman jong kita ki shijur (samla) ka long kaba neh shirta ne kaba tang shiphang sngi ne tang kyndiat por. Kat kum ka jinghikai kaba ki la ioh

pateng na ki longshwa manshwa, ki ngeit ba haba loit ña kawei pa kawei ka song, ki kwai kim dei ban lait sharud ha ka por ba loit ña ki song. Lada jia ba u kwai u hap sha-rud, kata ka pyni ka dak bad ki da ngeit skhem hi ruh ba kata ka jingñashongkha shongman jong kita ki arngut kan ym nehslem; ki arngut kin sa ña shongkhlad lanc kin sa ña pynlait sanshyieng ha kano kano ka por.

Ila ka ñiam u Barim, ka kiad ka long kawei na ki atiar kaba ñaid kam ha ka ñiam ka rukom. Namar ba ka long kaba donkam eh, kiba ha ñing jong ka kynthei ki pynkhreh ña ka Kiadkhaw (Rice beer) kumba san ne hynriew kilo khaw bad dei ban shet da u khaw uba mih na kaba rep na ka Hali ne brilum lajong. Na ka bynta kito ki bym don khaw don kba na ka Hali la jong ne Brilum, ki dei ban shet da u khaw Khasi, da u khaw Pnar ym da u khaw Panjap, Haryana ne da uno uno u khaw dkhar, uba shu thied shu pet na iew na hát ne na kano kano ka dukan khaw.

Ila ka sngi bia ne sngi kyntiew kurim, ki shynrang ki shim ña kata ka Jyndemkiad bad ki jiar ha ki sñait ("Sñait" ka dei ka ktien Labang Nangbphyllut ba ki khot ña u kynja Kriah uba la thain bha ha ka dur jong u khoh) ña ka kiad sidhiar bad kaba ki jiar nyngkong na kata ka jyndem kiad, ki thep ha u Klongpadia (Klongsoh). Une u Klongsoh ne u Klongpadia u dei hi u Klongskaw tangba u heh bun shah ña u klong-skaw bad ka kiad ka lah ban niam kumba phra ne khyndai liter. Shwa ban thep ña kane ka kiad, u Kñi rangbah (Kñi wahch ong ki Labang Nongbphyllut) lang bad ki symbud Kñi, ki shin da u 'Langmet (Plangmet uba pyndonkam ha ka sop ñing) uba biang ka jingjriong kat kum ka jingshong jong kata ka kiad ba ki thep ha u Klongsoh ne Klongpadia. Haba la dep thep ña kata ka kiad bad ña u 'langmet' ki shim da ka sla Lamet bad set haduh ban da skhem bha khnang ba kan ym hoit ne jaw.

Ila kane ka sngi pynkhreh, ki kynthei pat nalar ba ki bunkam ha kaba jied ña u Pathi (Tympecw) bad ña ki Kwai tylli

jong ki khyndai kwai, hynñiew kwai bad sankwai, ki bunkam ruh ha kaba jied ña u kwai bad u Pathi uba da jied kynsai bad bun kam ha kaba khylliap Pathi (khylliap waidong) bad kwai kyntien, kwai song bad ban leit kit sha ñing jong u shynrang. Shisien ba u samla bad ka samla ki ña poikha ha ka ñiam ka rukom, ka jinglut ka long kaba bun bha. Nalor ka jingpynllut ña u kwai, u pathi ha kaba ña bam ki kur ki jait, ki kha ki man, ki kharim, ki khathymmai, ña ki lok ki jor ki hap song ruh ña u Pathi kyntien, ña u kwai tylli bad u pathi tylli sha ki kha ki man bad sha kito baroh kiba dang don jingiadei. I laba ki leit ai ña une u kwai, u pathi sha kiba dang don jingiadei, kim lah ban rah da uno uno u Kwai ne u Pathi katba ioh katba shem, hynrei da uto uba la jied kynsai lane da uto u Kwai u Pathi uba bha tam.

I hadien ba la dep song ña ki khyndai putharo, hynñiew putharo bad ña ki san putharo, ki buh ha u Shang uba dang thymmai u bym pat juh pyndonkam, namgta ki pynlum pynlang ña ki khyndai kwai, hynñiew kwai bad san kwai kiba la song lang ha u Pathi (Tympew), ka kiad um (sidhiar) kaba la pyndap ha u Klongpadia ne Klongsoh ña kaba ki khot ka "Pyrnah ka parjin" ka kiad kaba kida ñiewkyntang eh kaba ki tong na khlichkum na khlichdong (u Kum, u Khra). I hadien ba la dep pynkhreh ña kine baroh, ki sa-jied ña u briew ban leit sha ñing u shynrang. Ki jied nyngkong ña u Kparad, ne u kñi jong u kpa ka kynthei ban kit ña ka "pyrnah ka pyrjin", ña u Klongsoh ne Klongpadia, ña ki khyndai putharo, ña ki hynñiew putharo, ña ki san putharo, ña u pathi, u kwai bad ña kiwei de ki tiar ki ba la buh ha uta u Shang uba la buh kyrpang.

Ña kine ki tiar ki tar bad ña ka Pyrnah (pyrnah "ka kiad suit ka kiadshor") ym lah ban song ne kit da kano kano ka Jaiñ, hynrei da ka Jaiñryndia lane da ka jaiñbanat (jaiñbant ka jait jaiñ baremdor) ka jait jaiñ kaba ki longshwa manshwa ki shait pyndonkam tang ha ki khep kiba donkam. I laba ki mih na ñing ka kynthei, u Kñi rangbah u iaid ha khmat, bud sa katto kane kiba ha ñing ha sem jong ka kynthei, bud sa u kparad, u kñi jong

u kpa ka kynthci uba kit ïa kita ki “Pyrnah ki Pyrjin” kiba la song lang ha ka Jaiñryndia, nangta bud sa baroh ki kur ki kha, ki lok ki jor, ki kher ki mer, bad kiwei kiba kwah ban ïa bud lang bad khatduh ch bud sa ki kynthci kiba kit ïa u Pathi kyntien, Kwai kyntien bad u Kwai song uba dei ban sam sha kiba ha ïing ha sem, ki kha ki man bad ki lok ki jor jong u shynrang.

KA JINGPDIANG BUROM NA KA LIANG U SHYNRANG ïA KIBA ïA ïING ïA SEM KA KYNTIIEI

Ila shwa ba kiba ha ïing ha sem jong ka kynthci kin poi ha ïing u shynrang, u Kñi rangbah (Kñi wahch) bad katto katne ngut ki rangbah ba la jied na ka kur ka jong u, ki ap ïa u Kñi jong ka kynthci bad ïa ki nongbud jong u ha phyllaw ïing. Mar ïa kynduh ki ïa ai khublei da kaba iadoh ïapiam markylliang, nangta ki rangbah na ka liang u shynrang ki ialam ïa kita ki paidbah kiba iawan na ka liang ka kynthci sha ka kamra (dkhut yung) kaba la khreh kyrpang ba kin ïa shong. Ila kane ka juh ka kamra hapdeng ch, kiba ha ïing ha sem jong u shynrang ki siang ïa ka Shadiang (Trap) ba u Nongkit ïa kita ki khyndai kwai, hynñiew kwai bad san kwai un pynhiar ïa ka jingkit. Kumjuh kiwei pat ki nongkit ïa u Pathi, ïa u kwai tylli bad ïa u kwai bad pathi kyntien paidbah ki buh lang shi jaka bad ha ka juh ka Shadiang kaba don u Klongsohkiad pyrnah ne Klongpadia lang bad lai jait kita ki song.

Ila shwa ba kin sci ïa ki tiar ki tar (ki jingsong, ki jingtap bad u Klongsoh Klongpadia) napoh ka Jaiñryndia ne ka Jaiñbanat, ki da siang da ki laikyndit Ladaw (da ki lai tylli ki kliar sla kait bad buh ïa kine ki jingsong jong ki khyndai kwai, hynñiew kwai bad san kwai bad ïa ki song jong ki ‘waidong ‘waikyntien. Ki shynrang na ka liang ka kynthci ki shim ïa u kwai kyntien (Kwaidong) bad ki iasam mar shikyntien sha baroh kito kiba ïa don lang ha kata ka kamra. Nangta ki nongsam ‘waidong ‘waikyntien ki leit sha baroh ki kamra jong ka ïing

ban peit la ki don ne em ki briew kiba la khot sngewbha da u shynrang bad lada don ki sam ia u `waidong `waikyntien sha baroh kita kiba la shah khot sngewbha da u shynrang.

Tang shudep sam ia u Pathi kyntien, u Kwai kyntien (`waidong) ki shim pat ia u Kwai tylli, Pathi tylli bad sam sha baroh kiba ha iing ha sem jong u shynrang. I la kane ka por lada ba jia kiba ha iing ha sem jong u shynrang kim don lut hangta, kita kiba ha iing ha sem jong u shynrang kiba don ha kata ka sngi ki lah ban kam ne pdiang ia ka bhah ne ka bynta jong kito ki bymdon. Ki leh ia kane ha kata ka rukom da ka jingmut bakhia thew ba baroh ki kur ki jait na ka liang u shynrang kin ioh bynta lang ha ka niam ka rukom ka riti ka dustur jong ka bia ka khap (ka kyntiew kurim) ka shongkha ka shongman lyngba u kwaikyntien, u Pathikyntien, u Kwai tylli bad u Pathi tylli. (u Kwai tylli bad u Pathi tylli ka mut uwei u kwai bad san sla ki Pathi (Tympew)

KA JINGSDANG KA NIAM KA RUKOM

Shwa ba kin sdang ia ka jinglehñiam katkum ka jinghikai kaba hiar pateng na ki longshwa ki manshwa, ki shynrang na ka liang ka kynthei ki ia-shong halor u Shylliah uba la siang kyrpang bad ki shynrang na ka liang u shynrang ki ia-shong halor u Shylliah uba la siang kyrpang mar pyrshah ia ki shynrang kiba na ka liang ka kynthei. Haba la ialang lang don lang na baroh arliang ha ka juh ka kamra, ki briew na ka liang ka kynthei ki sam shisien sam ia u kwaikyntien ia u Pathikyntien, ia u kwai tylli bad ia u Pathi tylli sha baroh ki paid u shynrang.

Hadien ba la dep ai kwaidong ne kwaikyntien sha baorh kito ki paid u shynrang kiba ia don lang, hynrei kum ba ju dei ka rukom, ki shynrang na ka liang ka kynthei shwa ban poi sha ka bynta ka jinglehñiam ki da kylli ia kiba ha iing ha sem, ki kha ki man, ki kñi, ki kpa bad ki lok ki jor jong u shynrang ki la ioh ne em ia ka bhah ka bynta bad ki la ia kam ne em ia ka bhah ka

bynta jong kito kiba ym lah ban ña don lang ne kiba ym lah ban wan. Lada don kiba ym pat ioh, ki shynrang na ka liang ka kynthei ki ieng ban sam ña u Kwai, u Pathi sha baroh kito kiba ympat ioh. Ynda la ioh lut ña uta u Pathi kyntien, Kwaikyntien, u Kwaitylli bad u Pathi tylli: nangta u Nongkit ña u Klongsoh ne Klongpadia bad ña ki song jong u khyndaikwai, hynñiewkwai bad sankwai, kumjuh ña ki song jong u khyndai putharo, hynñiew bad san putharo, u ieng na ka jaka shong bad kit ña kita ki tiar. Haba kit ña kita ki tiar, uba ha ñing jong u shynrang u ialam ña u kñi jong ka kynthei bad ña u nongkit ña ki tiar ki tar sha ka jaka ba shong ka kmie lane ka meirad (Beimen) jong u shynrang.

KA RUKOM PDIAŅ ĴA KI JINGAI SNGEWBĴIA

Ka kmie lane ka meirad jong u shynrang kiba dei ban pdiang ña kita ki tiar ki tar lane ña kita ki jingai na ka liang ka kynthei, ka la pynkhreh lypa kawei ka Jaiñbanat lane ka Jaiñryndia bad l pdiang ña kita ki jingai baroh. H la ka por ba ka pdiang ña kita ki tiar, ka da duwai da phirat bad ka ainguh aidem ña u Blei Nongbuh Nongthaw, u Nongshna u Nongpynlong, u Nongbuh shynrang, u Nongbuh kynthei, ña ka longbriew manbriew ba Un kyrkhu kyrdoh ban roi ban par ka jait ka kynja ha baroh arliang. U kñi jong u kpa ka kynthei ruh u nguh u dem ña u Blei ba kin ioh ña ka jongkoit jingkhiah bad ban manbha manmiat ha baroh arliang. Ĵa kine ki tiar kiba la ioh pdiang na ka liang ka kynthei, ka kmie lane ka meirad jong u shynrang, ka sam pat sha baroh ki kur ki jait kiba dang ña-jan bha, khnang ban ioh bynta lang ña kita ki jingai sngewbha jong ka kynthei.

Haba la dep pdiang ña kita ki jingai, u kñi u shynrang u ialam biang ña u Nongkit ña u Klongsoh u Klongpadia sha ka jaka ba shong ki Kñi jong ki baroh arliang mamla. Haba la wan u Klong u Skaw, ka Pymah ka Pyrjin, ka H larak ka Sidhiar ka Kiadsuit ka Kiadshor nangta ki sa sdang ña ka ñia ka jutang

katkum ka saiñdur jong u Blei mynba danglung ka phyrthei bad kata ka ñia ka jutang, ha kahok katkum ka hukum jong u Blei Nongbuh Nongthaw, ba kan bha kan miat ka longbriew manbriew bad ban nangroi parum parch u Tnum u tyndai.

KA ÑIA KA JUTANG KI ARLIANG MAMLA

I Hadien ba ki Kñi jong ki arliang mamla ki la ña wan bad ña shong khruai ha la ka liang (iashong marpyrshah) bad katkum ka riti ka dustur, u kñi jong ka kynthai u kylli la ki la ñawan lut ne em ki Kñi kiba dei ban wan. Iaba ki la ña wan sa sdang ka ñia ka jutang. U Ilynñiewtrep u Ilynñiewskum, u dei ka jaitbynriew kaba tipbriew tip Blei bad kum ka jaitbynriew ki shim ba ka kam shongkha shongman ka dei ka kam Blei, ka kam khuid kam kyntang, kumta haba ki sdang iakano kano ka kam ki phai khmat nyngkong sha u Blei Nongbuh Nongthaw, u Nongbuh bynriew thaw bynriew, u Nongseng u Nongai ña ka longrynieng man ryinieng, u Nongbuh shynrang u Nongbuh kynthai; nangta ki phai sha ki 'leiing 'leisem, sha ka Syiem synshar sha ki syiem babuh bathaw kiba la saiñdur ña u shynrang bad ña ka kynthai ban iapoikha poiman bad lyngba u symbai u phniang jong ka poikha poiman, ka kur ka jait kan roi kan par parum parch ha kane ka sla pyrthei.

Ia kum kane ka khep, ka pynhia synjat lator bad ka shongkha shongman, uba nyngkong ban ud ban nam ban ting ban khot, dei u Kñi jong ka kynthai. Ila ka ting ha ka khot, ha ka ud ha ka nam, ha ka duwai ka phirat u pynkha nmaw ba u Blei u long uba lah uba iai bad uba donbor tan bad khlem ka jingkyrkhu kyrdoth jong u Blei na jrong na thian, ka pynbia ka pynkha (Ka jingkyntiew kurim) bad ka iapoikha poiman kam long ka ba bit kaba biang. Ila kum kane ka por u Kñi u kyrpad ña u Blei ba un thehsei ñaki jingkyrkhu kyrdoth halor ki arngut ki samla ki ban ña snohkti-lang kum kawei ka doh kum kawei ka snam ha ka ban tei ña ka longiing long sem kaba thymmai.

I Ia ka duwai ka phirat, u Kñi u dadcm nguhngon khrup arti u kyrpad ia u Blei ba un ai ha ki arngut ia ka jingnang jingstad ban pyrkhat ban pyrdaiñ nyngkong ia ka saiñdur jong u Blei, ia ka jingnang ban pyrkhat ban pyrdaiñ nyngkong ia ka saindur jong u Blei, ia ka jingnang jingtbit ban iaaid ban icng, ban kren ban khana, ban tip-kur tip-jait, tip kha tipman, tiplok tipjor bad ba kin shemphang ia ka trei ka ktah bad ka puh ka daiñ. U pynkut ia ka jingduwai jingphirat, ia ka ud ka nam, ia ka ting ka khot da ka dem da ka nguh ba u Blei Trai Kynrad un tei ia ka longiing longsem jong ki arngut da kaba ai ha ki ia ki khun shynrang, ia ki khun kynthci ba kin roi kinpar parum parch, ban iar u tnum u tyndai, ban heh u synñiang u bynhei, ban roi ban par ka kha-i ka pateng, ka trei ka ktah, ka koit ka khiah bad ia ka mynsiem tipbriew tipblei. U Kñi um ju pynksan iala ka pyrsa ne u pyrsa ha kum kanc ka ud ka nam bad kyrpad ban ioh jingaici na u Blei Nongbuh Nongthaw.

I Iaba u Kñi jong ka kynthci u la dep, u sdang swar pat sa ka ñia ka jutang na ka liang u Kñi jong u shynrang. U ruh ha ka juh ka rukom u ud u nam kat kum ka jingshem mynsiem bad ka jinglah jong u. ha ki nongsngap kanc ka jingiataiñia ka long kum ka jingiapyñjopñia iala ka nia ka jutang uwei ia uwei pat. I Iadien ba la dep ka ud ka nam, ka kyrpad ka kyrpon ban ioh ia ki jingaici na u Blei, ki sa sdang sa ka ban iasam ia ka kiad Sidhiar (Kiad khaw) da kaba sdang sam na ki Kñi jong ki baroh arliang, sa pur sha ki Kñi khynnah (symbud Kñi) nangta sha ki lok sha ki jor bad sha baroh kito kiba kwah ban mad ia kata ka kiad (Kiad Pynrah) kaba la pynkhreh kyrpang na ka liang jong u shynrang ha iing jong u. haba la ia joh ia jam ne iohlut sha baroh, nangta ki sa sdang sa ka iasuit ka iasohr lang hala ka jong ka jong ka jingud ka jingnam na ka bynta ka jingthmu jong ki arngut ki ban sa shim ia ka jingkyntiew kurim. Ha kane ka jingiaud ka jingianam baroh ki nongiashim bynta ki nguhblei ki demblei bad kyrpad kypon ia u Blei Nongbuh Nongthaw ba un iai don lem ryngkat bad ki baroh shilynter ki sngi ka jingim jong ki,

kh nang ba kin iainch haduh kaba kut da kaba ïa shongsuk shongsaiñ ha ka jingiaicid bad ka jigiatylli haduh bakut ki sngi ka jingim jong ki.

Haba la dep ka suit ka shor. ka ting ka khot ïa u Blei Nongbuh Nongthaw, ki Kñi rangbah jong baroh arliang, ki buh da ka Pliangnar (Pliangrnong) kaba la jied kysai ba kin buh ïa ka jingtahkiad bad kiwei de ki jingbam. Hadien ba la buh Pliangnar ne Pliangrnong mar kawei ïa ki Kñi Rangbah, nangta pat ki sa sam sha baroh ki Symbud kñi Rangbah bad lada jia bym dap ki Pliangrnong, ki sa sam da kino kino ki Pliang ba uwei pa uwei u ba don hangta un ioh buh jingbam ne buh jingtahkiad. ïa ka Kiadpymah kaba thep ha u Klongpadia ne Klongsoh ki theh nyngkong ha ka jingdiang jong ki kñi Rangbah, bud sa sha ki Symbud kñi nangta ki iasam shabaroh kito kiba iashong-lang ban iamad iakata ka kiadpymah markhyndiat, mar shinguid arnguid lane shiskaw rit. Nalor ka Kiadpymah, kiba ha ïing jong u shynrang ki sam kiad sha baroh kito kiba wan na ka liang ka kynthei. Ha kum kane ka jinglehniam, ka dei ka jinglehniam ka ba-khuid bad kaba kyntang tam bad ymbit ban dih buaid na kane ka Kiadpymah. Lada kito kiba ym pat sngew biang bad dang sngew kwah na dih, ki, liet dih sha kano kano ka ïing kaba don kiad ha ka jinglut na pla lajong.

U SHYNRANG U KIIREH KA LEIT ÏINGBRIEW

Katba ki Kñi jong u shynrang bad u Kñi jong ka kynthei ki dang ïa bam ïa-dih lane katba ka jingiabam iadih ka dangiaid, ki kmie ki kpa ne ki ba ha ïing hasem jong u shynrang, ki pynriam pynbeit ïa u khun jong ki ba un leit ïingbriew ha kata ka sngi ryngkat (Chirup deilang) bad u Kñi jong ka kynthei. Tang shudep kata ka jingiabam iadih (dih Pymah dih Pyrjin) ha ka ïing u shynrang. U Kñi Rangbah duh jong ka kynthei bad ki nongbud nongrap ki ïa khreh ban mihnoh na ïing u shynrang. Ha kane ka juh ka por u Nongleitkurim ne u Nongbia, ma u ruh u khreh lang ban mih na la ïing sha ïing jong ka kynthei.

Katba u Kñi jong ka kynthei bad ki paralok jong u, ki ïa ieng ha Tyngkong (Kyndonhari) ban ap ïa u Nongleitkurim, u Nongleitkurim ruh u khreh ban mih noh. U shynrang (Nongleitkurim) shwa ba un kam ïa ka Shawkad (Shahksaw lane Taksaw) na ïing shabar, u doh u piam ïa la i mei i pa. ïa ki hynmen ki para, ïa ki pyrsa (lada don) bad ïa ki Ma ki Woh bad ïa kiwei de da ka ba ong “ Ngan leit noh mei. pa. paiu. para. meirad. parad. Ma. . . ” lang shu loh jubab na i mei. na i pa. na ki paiu. ki para. . . “Khie khun leit suk leitsaiñ da ka burom ka akor, da ka tip briew, ka tipblei, tipkur, tipkha, tiplok, tipjor, u Blei Un don ryngkat bad phi, Un synran ïa phi ha kti ha kjat. Un kyrkhu kyrdoh ïa phi, Un bün ïa phi ha kti ha kjat. to khie leitsuk”. lang shu kut kine ki kyntien u shynrang u mih noh artat na la ïing.

U Kñi Rambah jong ka kynthei uba aplypa ha habar, tang shumih u shynrang, u kdup u piam ïa u (Nongleitkurim). U Kñi jong u shynrang, i mei, i pa, ki hynmen, ki para, ki kha ki man bad ki lok ki jor jong u shynrang, ki leit on ïa u tang ha shiteng lynti bad ki leit phai biang sha ïing u shynrang ban ïabam ïadih.

U Nongleitkurim u rah kawei ka Wait (kano kano ka wait kaba u Nongleit kurim u shait pyndonkam man ka sngi), u kieng kawei ka Pla ba la thep ïa ki tiar ki tar, kata kum u Duma, Jingpurid, u Kwai, u Tympew (Pathi) bad kup kawei ka ka Jaiñbanat ne ka Jaiñryndia. U Kñi jong ka kynthei naduh ba u mih na ïing u shynrang u ïalam beit beit sha ka ïing ka kynthei hapdeng ka put ka tem, ka rwai, ka siaw bad ka shad ka kmen. Mar ïa poi ha phyllaw ïing, u Kñi u kiew sha tyngkong (kyndondhari ong ki pnar) lang bad u Nongleitkurim. Ila tyngkong, u Kñi u sei ïa ka Jingpuid bad u shamok ha khmat ka Jingkhangbah bad ai ding ïa u Prew lane ïa u Ksch uba la pynkhrehlypa.

Ka jingaiding ïa u Prew, ka jingmehding, ka jingsyaid ka ding bad ka jingshai jog ka, ka don ka jingmut kaba jylliew bad

kaba khia thew ha ka saiñpyrkhat jong u longshwa manshwa naba ka shim ña ka jingmut ban tbeh ña u Nongleit-Kurim ba un iohi ña ka Jwar (Jingkhaw) ka lynti ban rung ban mih ban poi sha ka jaka thiah jaka dem jong u. I la ka juh ka por ka jingmut jong ka ding ka long ban ai jingshai ña u Nongleitkurim ba un dup imat bad iohi, uno u dei Kthaw, kano ka dei ka Kiaw, kano ka Kong-kynsi, kano ka Hepkynsi, uno u Kynum, kano ka Meieid, kano ka meidod bad kumta ter ter. I la kamra thiah u Nongleitkurim u buh ia ka Pla bad ña ki tiar ki tar kiba u wan rah na ñingmie katba ña ka Wait pat u tynsat ne buh ha kyndong.

I la ka saiñpyrkhat jong u longshwa manshwa, ka kmie bad u kpa jong u shynrang kim juh kham leit sha ñing ka kynthei ha ka juh ka sngi, ka sngibia ne sngi jingkyntiewkurim. I laba wad bniah bha ña ka daw ba balei ka kmie bad u kpa jong u shynrang ym bit ban leit sha ñing ka kynthei ha ka sngibia ne sngi jingkyntiew kurim? Ka jubab ha ki katto katne ka long ba lada ki leit sha ñing ka kynthei ha ka sngibia ne sngi jingkyntiewkurim ka long kumba leit aiti noh iala u khun baicid ha ka jait ka kur jong ka kynthei. I lalor kane ka jingsngew ka kmie u kpa bad kiba ha ñing ha sem jong u shynrang kim ju kham leit on ña u shynrang shaduh ñing jong ka kynthei bad tang ha shiteng lynti ki leitphai noh sha ñing. Kane ka jingsngew ka dang treikam haduh ba thoh ia kane ka kot ha kito kiba dangngeit ha ka ñiam u Barim bad kiba dangbat skhem ña ka.

Katba ki paidbah na baroh arliang ki dang ña wan sha ñing jong ka kynthei ban iabam iadih sngewbha, u Nongleitkurim pat u leit ban ña kynduh ñala ka Nongleitkurim, hadien ba la ñakynduh bad mar ñadep buh ña ki tiar ki tar, kum ka Pla, ka Wait, ka Pdok Pathi bad ka Jaiñryndia ha jingthiah, u mih sha kamra ba shong ki Kñi jong ka kynthei bad ki I leh ki I laiñ, ki kynrem ki lyndang kiba la shah khot sngewbha bad u sdang ban sam ña kata ka Kiad kaba la pynkhrch kyrpang, bud sa ka samja, samdoh bad sah hangta haduh ba kin da ñadep ka bam ia bam ihur, bam doh bam khleciñ. Katba ki dang iabam, ka dei

ka kamram jong u Nongleitkurim ban peit sha ka mon ban peit sha ka diang ioh don kiba duna ka bam, ka di, ka ja, ka dohkha. I la kum kane ka khep baroh ki nongwan bad ki nongshah khot sngew bha ki dei ban biang ka bam ka di, lynda kumta kan long ka jingjahburom ia u Nongleitkurim. ka Nongleitkurim bad ia kiba ha iing ha sem jong ka kynthai. Shuh shuh ym tang ka jingjah burom. hynrei kin shah kynnoh, kin shah kynthah ba ki khlem akor bad kim suitniew ia la ka burom ka ijot ha khmat ka pyrthai bad da ki bnai bad da ki snem ba ki briew kin kren lorni shaphang ka jingkhapnap jong ki.

Katba ka jingkhawai ka dangiaid ia ki paidbah, hapoh iing pat ha ka kamra kaba la pynkreh kyrpang, ki siang da ki Shylliah ba ki kur ki jait jong u kpa jong ka kynthai bad ki Kñi jong ka kur ka kynthai kin ia shonglang bad hangne ba kita ki *kharim bad ki *kha thymmai ki ia kynduhlang. I laba la iashong khru, u Kñi jong ka kynthai u ud u nam ba dei na ki *kharim bad ki *kathymmai ba ka jait ka khong ka la roi ka la par. U Kñi jong ka kynthai ha ka ud ha ka nam jong u, u pynpaw ka jingsngewnguh kaba khraw ia ki Kharim. Kathymmai jong ka kynthai, namar lyngba ka kur ka jait jong u kpa jong ka, ba ka kur ka jait jong ka kynthai ka la ioh ia kata ka nam, ka burom bad ka jingthaw thymmai ia ka longiing longsem, halor ka nongrim jong ka bia ka khap ha ka hok kat kum ka hukum.

I la kum kane ka khep lah ban iohi ba ka Kur ka Jait jong u Kpa ka long kaba khraw haduh katta katta bad ki da burom bad ñiewkor eh. Kane ka paw na ka jingpan jingkyrkhu kyrdoh jong u Kñi ka kynthai ia ka jingkyrkhu kyrdoh halor ka pyrsa, ka ksiew jong u ba ka jait ka khong jong u kan nangroi, kan nangpar, ka nangiar u tnum u tyndai, ban nang heh u synñiang u bynhei, ban biang ka trei ka ktah, ka kamai ka kajih, ka jingnang ka jingtip, ka tipkur ka tipjait, ka tipkha ka tipman, ka tiplok ka tipjor bad ka jingtieng burom ia u Nongbuh Nongthaw, u Nongshna u Nongpynlong ia ka longbriew manbriew shikhrum ka bneng shitylluk ka pyrthai. I hadien ka ud ka nam, ki Kñi

jong ka kynthei, ki ai ka Kiad khaw (Kiadsidhier) ba baroh kiba dei ki kha ki man bad ki kñi jong ka ki ña diñ ña bam k ng kat kaba ki lah ban ioh. Ha kane ka jinglum lang baroh kiba iadon hangta ki ña bam ña sip lang ña baroh ki jait jingbam ba kiba ha ñing jong ka kynthei ki la pyinkhreh kat kaba ki lah ei.

Ña kane ka riti lehñiam, kiba dangsah ha ka ñiam u longshwa manshwa, ki leh tang ña kito ki samla kiba iapoikha poiman da ka jingtip jong ki kmie ki kpa, kiba iapoi ha u kynsai u pangrai (kiba iadei kynsi) ym na ka bynta kto kiba ña shongkha khleh (u bym dei na ka jait u Hynñiewtrep) ym na ka bynta kito kiba ña dei snam Paruid, snam Pasan lane ki bym iadei kynsi, yn nai iakren ña kito kiba iapoikha shongsang ne kheñang. Ha kum kane ka jinglehñiam u kñi (kñi wahch) u long uba kongsan tam.

Ña kane ka rukom lehñiam pynhiar synjat bañi poikha poiman, katba lah ban iohi da une u Nongthoh ki ler, kaba juh ka pasoh hapteng ki Pnar wat lada ka don ka jingiapler ha ka dustur pynmaikam kawei ka Ilaka na kawei pat ka Ilaka jong ki lum Pnar, lane ha ka rukom pyinkhreh pyinkhrum ña ki tiar ki tar kiba pyndonkam he kaba leit shaw ña u Nongleikurim na ñing jong u shynrang sha ñing ka kynthei ka jingleh jingkam jong ki Labang, ki Nongphyl lut kam da iaphereh na ki Nongshiliang Myntang, Nongjngi bad ki Nong Ilaka Raliang. Ha ka riti ka dustur pynhiar synjat lator, katba lah ban iohi da une u Nongthoh lajan baroh ki jinglehñiam ki long ki juh ha ki Lumpnar, lait noh tang ka sngi kyntiewkurim ne sngi-bia ha kaba iadei bad ki jingpyinkhreh pyinkhrum ña ki tiar ki tar.

Ha ka miet ban pynshongkurim ne pynbiakurim ña kiba biang ka ratap ka rabiang, u kynsai u pangrai, kiba ha ñing baroh arliang mamla ki pyinkhreh ña ki Prew ding (Parodiñ ong ki Pnar) da kaba khum tang arthri ha ka shikhum. Na ka liang ka kynthei ruh ki pyinkhreh ka juh. Na ka liang ka kynthei ki leit shaw ña u shynrang da u Kñi jong ka ñing ha ryngkat bad u Pakha Rangbah lada u don bad lada ym don ki shim da uno uno u kha la u dei

u Padeng ne u Pa kynnah ha ryngkat bad ki lok ki jor. Lada jia ha ka por janmict, ki rah shikhum ka prew ding, kaba la tbehdung bad lada jngai ki bteng haduh ar, lanc saw Prewding haduh ban da poi ha iing u shynrang. U kni ka kynthci, u buh ia u Prewding lanc Dongmusa ha Iyngkong ne kyndonhari bad lada sah ki Prew ki iathanglut baroh hangta.

Ia iing u shynrang, tang shu poi u Kni jong ka kynthci, u Kni jong u shynrang, u pdiang sngewbha ia u Kni jong ka kynthci, ia ki kha jong ka kynthci da ka ba ai mar shikyntien kwai. Katba u Kni jong ka kynthci bad ki paralok jong u, u da ia bam kwai ha ka tyngkong iing (kyndonhari) khreh mih u shynrang na iing ban bud ia u Kni jong ka kynthci. U shynrang shwa ba un kam ia ka Shawkad na iing shabar, u ai khublei ia i mei i pa bad ia kiba ha iing baroh da kaba ong "Ngan leit noh mei, pa, paiu, para bad kumta tet ter" Tang shu ioh ki kyntien na ka kimic, na u kpa bad na ki ba ha iing ha sem "Khic khun leit suk leitsaiñ. da ka burom ka akor, da ka tipbriew tipblei, ka tiplok tipjor, u Blei Un don ryngkat bad phi, Un synran ia phi ha kti ha kjat bad kuta ter ter, u sa mih noh artat nala iing.

Iang shu mih u shynrang (Nongleitkurim), u Kni jong ka kynthci u pdiang sngewbha ia u da kaba doh da kaba piam. I ladien nangta u tbeh ia u prewding uba la rah na iing ka kynthci, u ia id shakhmat bud sa u Nongbia (u Nongleitkurim), u Bakha jong u shynrang la u long u Pa-nah ne u pa khynnah, u tbeh ding ia u prew bad u bud nadien u Kni bad nadien duh bud u 'kha jong ka kynthci. I ladien ba la pyniaid ryntih iaka rukom ia id, ki sa ia id lang haduh ban da poi ha iing jong ka kynthci.

Ynda poi ha iing jong ka kynthci, baroh ki prewding ki buh ha kyndon (tyngkong iing). Ia kipor kiba mynshwa, tang shu poi ha Kyndur (Kyndup iing) kiba ha iing ha sem jong ka kynthci lang bad ka Nongleitkurim, ki mih shabar ka Shawkad (Shahksaw ong ki Pnar) ki pdiang sngewbha ia baroh. Nangta ka Nongleitkurim ka pdiang sngewbha ia u Nongleitkurim, u briew uba ka icid ch.

Ki jingthoh ha kanc ka kot ki long tang katto katnc ki mat ki jura jong ka rukom nam ktien, lehniam ha ka pynhiar synjat lator bad ka shongkha shongman jong kito ki ba dangsah ha ka ñiam u Barim. Ña ka rukom pynhiar synjar lator bad ka shongkha shongman ha ka rukom Khristan pat ka long malu mala kumnc harum: -

I Iaba ka juk ai pateng na ka ktien ha ka ktien, na u thyllicj ha u thyllicj ka la sdang ban pjah bad synjor, la plie kawci pat ka juk ai pateng lyngba ka thoh ka tar, ña kaba la wan ban pynieng ña u mawnongrim bad ña u Khnong u Rijied da u khun dap synrang ka ri Wales, u Rev. I Thomas Jone ha ka snem 1841, uba long uwei na ki Mishoneri Khristan u ba nyngkong ban wan iuhkjat ha kine ki lum ka bri u I Iynñiewtrep.

I Iaba la wan ka thoh ka tar ka pule ka puthi ha ka ktien Khasi ki briew (ki briew ka bri u I Iynñiewtrep) ki la nangbuh jingthoh ban nang kham icid bad ñiewkor ña ka Riti ka Dustur pynhiar synjat bad ka shongkha shongman, ka matti kaba la buh bad saiñdur da ki longshwa manshwa. I Iaba la wan ka niam khristan, kanc ka riti ka dustur pynhiar synjat lator, ka bia ka khap (kyntiew kurim) ka la nangspchlung bad nangpynbha shuh shuh na kawci ka por sha kawci ka por.

I Iaba la wan ka niam Khristan hapoh ka bri u I Iynñiewtrep, don ki riewpyrkhat kiba pyrkhat ba ynda ki khun ka bri u I Iynñiewtrep ki la kylla Khristan, kin pynkylla noh ña ka riti ka dustur kaba la buh bad seng nongrim da ki longshwa manshwa ka jaitbynriew, pynban katba nang iaid ka por ka niam Khristan ka nangpynskhem shuh shuh ña ka ritika dustur ka pynhiar synjat bad ka shongkha shongman kaba kum ka jaitbynriew ki la ioh pateng na ki longshwa manshwa, ka la nangpaw ha ka akor bad ka burom kaba ki khun samla khristan ki la nangmih ban shim ña ka kam shongkha shongman lyngba ka pynhiar synjat. Shuh shuh naduh ka por ba wan ka niam Khristan ha kine ki lum u Iynñiewtrep ym pat iohsngew ba ka iaid lait na ka riti ka dustur pynhiar synjat bad ka riti ka dustur

shongkha shongman: lait noh tang katto katne ki jnit ki jnat. kata kum ka jingkhawai Kiad. kaba pyndonkam ia u klong u skaw bad pynkyntiew kurim ha ka por miet. Kum ban shu ong noh ka niam khristan kam ju pyrshang ne don jingmut ban khura ia ki mawnongrim jong ka riti ka dustur pynhiar synjat bad ka shongkha shongman, hynrei ka iaid ryngkat ryngkat bad ka riti ka dustur: na ba ka niam khristan ka sngewthuh ba ha ba ki briew ki long khristan ka long ban pynjanai shuh shuh ia ki riti ki dustur kiba bha jong ki longshwa manshwa jong ka jaitbynriew.

I la ba phai sha ka jingch jingkam ka niam khristan. la shem ba ka dangbat pyrkhing bha ia ki riti ki dustur ha ka iatchktien, pynhiar synjat bad ia kyntiew kurim ba kam pat iaid lait ba ki Kni na ki arliang kur ki long ki Ksiang bad ki Phadar. ki Pastor, ki Phadri, ki Tymmen basan, ki Headkatekist ne ki Rangbah Balang ki long tang ki nongpynskhem bad ki Sakhi. Nangta ha ka sngi kyntiew kurim ne ha ka sngibia kurim ki da phah ia ki Nongleit tan ia u shynrang ryngkat bad ka iarong kwai bad sam kwai ia uta u longkpa ne ia uta u samla u ban ia bia ne u ban ia kyntiew kurim kum ka dak kaba kida sngewbha ch ia u ba un wan ha iing jong ki. Ym tang katta ki da ap ia u shynrang ha Iyngkong (kyndon-dhari) ban pynsleh, pynkyllan umphniang, ban kitbok kitrwiang, ban nang-iaroi iapar, ban khraw ka Kamai ka Kajih, ka Khaïi ka pateng bad kumta ter.

I la ba phai sha ka liang ka pynhiar synjat bad ka bia ka khap (kyntiew kurim) nadong shadong ym don jingkylla na ka saiñdûr ki longshwa manshwa, ka jingiapher ka long tang ka por. I la ka rukom pyrkhat ki longshwa manshwa kim ju pynbia kurim ne pynkyntiew kurim ha ka por step, por sngi ne por nohphai sngi hynrei borabor haba la kem iongreñ bad por miet. Katba ha ka niam khristan pat ha ka por sngi ne nohphai sngi, lait noh kito ki ba iabia syrdep.

I la ka saiñpyrkhat jong ki longshwa manshwa, ka pynhiar synjat ka long tang ha ka por janmiet, katba ha ka Niam Khristan

pat ka lah ban long ha ka por step, sngi ne por janmiet. I la ka sngibia ne sngi kyntiew kurim pat ha ka por sngi ne noliphai sngi. ha kaba u nongleit kurim ne ka nongleit kurim ki riam ki beit la kum u Syiem u Patsha ha ryngkat ka iaïd byllien ki kur ki jait, ki kha ki man bad ki lok ki jor. I la ka juh ka rukom ka nongleit kurim ha ka riam ka beit bad ka pangsgiat la kum ka Syiem hapdeng ki paidbyllien uba iaïd ha ka kmen ka sngewbha, ha ka put ha ka tem bad ka ruwai ka siaw ban leit sha iingmane.

I la iingmane u Nongleit kurim bad ka Nongleit kurim ha ka jaka kaba la khrehlypa, ki shongkhet la kum ki Syiem ki Patsha. I laba u Nongleitkurim bad ka Nongleitkurim ki shong halor kine ki khet, sa sdang ka ñiam ka rukom poikha poiman. I la ka niam ka rukom ki arngut ki khlei la ka juban-lak hakhmat, u paidbah u paidlang ban ña shimti uwei ña kawei ha ka hok kat kum ka hukum bad ki kyndon aiñ jong ka ñiam. I la ka jinglehñiam, u nonglehñiam u kyrkhu u kyrdoh, u duwai u phirat ha u Blei Nongbuh Nongthaw ba un kyrkhu ña ki ba kin ioh ka koit ka khiah, ba kin iar u Tnum u lyndai bad ba un heh u synniang u bynhei. I laba la dep ka niam ka rukom u Nongleitkurim bad ka nongleitkurim ki mih ban leit bam leit dih ha iing ka kynthci, ha ka jingkmén jingrisa, ha ka put ka tem, ha ka rwai ka risa haduh ban da khihwin ka shong ka thaw, mih sa ki briew na iing na sem ban iohi ña u Nongleit kurim bad ña ka Nongleit kurim kiba la pynriam pynbeit bha bad ña kiba la synran da ki *rangsotti, ki *theisotti bad u paidbah byllien.

Ynda la poi ha iing ka Nongleit kumrim hadien ba la kyllan Umphniang ña u shynrang, ki arngut ki kiew sha ka Rynsan kaba la pynkhrehlypa bad hangta u shynrang bad ka kynthci ki shong kum u syiem bad kum ka Mahadei. Nangta bud sa ki jingwan ai khublei ña ki arngut ha ryngkat bad ki jingai sngewbha bud ka jingot cake (ot kpu) bad iasam mar kyndiat kat sha ba joh ba jam ba kin iabam iasip.

I hadien ba la dep ot Cake bud sa ka bam khawai dawai, ka ai bam aisa, ka aija aidoh ña uba bun uba lang bad ña kito

kiba la khot sngewbha na ki shnong ba jan bad ba jngai bad kum juh ia ki trai shnong. Ka sngi bia ne ka sngi kyntiew kurim ka long ka sngi kaba khraw tam ia ki arngut shijur. Ym don kano kano ka jingkmn, ka jingsngewbha, ka khawai ka dawai kaba kham khraw ban ia ka sngi bia ne sngi jingkyntiew kurim. I la kum kane ka sngi baroh ki nongwan bad ki nongshah khot sngewbha ki dei ban biang ka bam ka dih ka ja ka doh bad lada jia ba duna ka long ka jingjah burom na ka bynta u Nongleitkurim. ka Nongleit kurim bad ka kur ka jait jong ki ha khmat uba bun uba lang bad da ki bnai da ki snem ki briew kin kren lorni shaphang ka jingkhapnap jong ki.

I laba la dep ka bam ka dih, la ha ka Niam u Barim lane Niam Khristan, ki paidbah ki leitphai sha la ki iing kism jong ki, ki arngut shijur ki leit thiah leit dem ban pynpura pynjanai ia ka poikha poiman ban ioh ki khun ki kti, ban iar u tnum u tyndai, ban heh u synniang u bynhei ba u khun bynriew un dup synshar khaddar ia ki laiphew jingthaw da ka bor bad ka iktiar kaba u Blei u la ai ha u khun bynriew.



Printed at:



NEW TECH PRESS

**BLISS COMPLEX, (Lad Stadium)
Ladthadlaboh, Jowai, Jaintia Hills,
Meghalaya - 793150**